

PUO YA BOPHATLALATSI BA DITABA

SARS: LETSHOLO LA HO HAPUWA HA DITHETHEFATSI TSE FETOLANG SEMELO

Tshwane, 12 Mphalane 2025 - Ofisi ya SARS ya Bolaodi ba Meedi mane Durban e bile le letsholo la kopanelo la mautlwela mane Boemakepeng ba Durban ka matjeke a la 12 Mphalane 2025. Diphetho tsa letsholo lena ebile ho hapuwa ha ditena tse 30 tsa se belaelwang hore ke Dithethefatsi tse fetolang Semelo tse neng di le ka hara Yuniti ya Foritjhi ya sekepe tseo boleng ba tsona mebileng e leng R 65 000 000.

Dithethefatsi tsena di ile tsa fetisetwa ho SAPS, (DPCI) bakeng sa diphuputso tse fetang mona, botjhotjhisi le hore di senngwe.

Ka la 12 Mphalane 2025 dihoreng tsa bo 02:45 Sehlopha sa Bolaodi ba Meedi sa Phethahatso ya Molao sa mane Durban se bile letsholong ka tshebediso ya sekepe se bitswang – *Striker* ho ya kgaoletsa sekepe se seng se neng se le pela *Fairway Bouy* (sesupi sa lewatle) se bohole ba Dimaele tse 4 tsa Lewatle Lebopong le ka Botjhabela la Durban. Sehlopha sena sa Phethahatso ya Molao se kgaoleditse sekepe sena nakong eo se neng se kena ka boemakepe mme sa se tataisetsa ho ya ema. Sehlopha sena sa Phethahatso ya Molao se ile sa kena ka hara sekepe sena, sa buisana le Molaodi wa Sekepe, mme sa hlahloba ditokomane ho fumana hore na khontheina e hokae le hore ke ya mofuta ofe.

Sehlopha sena sa Phethahatso ya Molao se ile sa phenyokolla sekepe sena mme sa fumana khontheina moo Yuniti ena ya Foritjhi e ileng ya hlahlojwa. Sena se bakile hore ho fumanwe ditena tsa seo ho belaelwang hore ke dithethefatsi tse fetolang semelo.



Khomishenara ya SARS Mong. Edward Kieswetter o hlalositse teboho ya hae ho Bolaodi ba Meedi ba SARS mmoho le ho mekgatlo e mengya phethahatso ya molao ka mosebetsi ona wa bona o kgabane. O boletse hore “Bolaodi ba Meedi bo bontshitse sebete ka ho sebetsa ka thata le ka ho tsepamisa maikutlo ho fihlela mesong ho kgaoletsa sekepe sena. Sena ke sesupo sa boitlamo ba rona bo sa thekeseleng re le SARS ho sireletsa meedi ya rona le ho thibela dinokwane tse lomahantseng meno ho tliša dinto tse kotsi le tse bakang tshotleho e kgolo baahing ba rona.”

Ho fumana lesedi le fetang lena, ka kopo ikopanye le SARSMedia@sars.gov.za

KE PHETHO